

Sungovie dices.
Zurichgome 1580

412

Sungovia.

Sungovia.

Situs.

Soli fertilitas.

In

Opida.

SUNGovia vel *Sunggoia* vulgo *Sungouu*, ad Septentrionem adhærens Alsatia: ab Orru Rhenum, ab Occasu Gallia extrematatem attingit: ad Meridiem Helvetia contermina est. Habet multis in locis Vineas, & ubique Frumenti copiam, quod circumquaque in omnes vicinas vehitur regiones, scilicet in Helvetiam, Nigram Silvam, Lotharingiam: atque interdum in remotiores regiones. Complectitur *Sungoia Comitatum, Pfortensem*, ejus ultimus Comes *Utricus* mortuus est Basileæ anno Christi 1099, relictis duabus filiabus, quarum alteram Ioannam nomine, duxit in uxorem Albertus Austria Dux, deditque Ursulae Ioannæ uxoris sorori, in hereditatis portionem, octo Marcarum Argenti millia. Dominia, *Befort, Morspurg*. Ad Comitatum pertinent hæc loca *Altkilch, Dattenriet, Befort, Rosenfels, Maszmunster, Thann, Senheim*: quæ hodie ab Austria Principibus, in præfecturas distributa sunt. In *Befort* est collegiata Ecclesia quam Comites Pfortenses cum *Veldpacho* Monasterio virginum (ubi tredecim Comites, & totidem Comitissæ condita sunt) fundarunt. In *Maszmunster* insigne est Monasterium Virginum Vestalium, atque aliquot Canonorum, putant fundatum a Masone Alemannorum Duce a quo vallis illa est appellata *Vallis Masonis* quæ alioquin *VVast* appellatur. *Thannum* elegans est Opidum, ad censeturque Comitatu Pfortensi. Imminet Opido Arx montana, *Engelburg* appellata, ei adjacet mons *Rang* dictus, in quo nobilissimum crecit Vinum *Rangvvein* appellatum, Basiliensibus notissimum. Prolabitur ibi ex Montium faucibus fluvius *Thurus*, Sungoviam ab Alsatia determinans. *Morsmunster* Monasterium in Comitatu Pfortensi fundarunt Comites Pfortenses. *Fannum Amarini* & Arx *Fridberga*, uno milliaria *Thanno* distans, Abbati *Murbacensi* parer: non procul inde *Mosella* fluvius oritur. *Mulnhausen* est quoque in Sungovia, Civitas Imperialis, ejus Advocatus sive defensor (sicut & Opidorum *Colmaria* & *Keiserspergii*) Episcopus *Argentensis* anno 1000 fuit, sed paulo post *Rudolphus* Comes *Habsburgensis*, cum *Colmariam* civibus quibusdam consentientibus occupasset, & Opidum *Mulnhausen* obtinuit, Arcemque quæ in eo erat (omnibus qui inerant captis) auxilio civium diruit. Electo autem *Rudolpho* in Romanorum Regem, redierunt eadem Opida ad Imperium. Opidanorum studium consistit potissimum in Vini & Frumenti cultura: estque Vinum hujus loci satis celebre. *Otmarsen* Opidum Monasterium habet Virginum, quod tempore *Henrici quarti* construi curavit Comes *Habsburgensis* nomine *Rudolphus*. Hujus frater *VVernherus* *Argentensis* Episcopus, qui *Constantinopoli* in quadam Insula vitam cum morte commutavit. Adhæret *Sungoia* ad Occasum *Comitatus Montis Beligardi*. Habet egregium Opidum *Montis beligardium*, Arcem Regiam ostentans. Habet & hic Comitatus alia multa Opida & Castra: ut sunt *Grans* Opidum & Castrum. *Klarvvang*, Opidum & Castrum, *Passevvangum* Opidum cum Arce, quæ omnia Ducum sunt *Wirtembergensium*: utunturque Incolæ lingua *Burgundica*. Comitatu *Montis Beligardi* propinquum est Opidum *Bruntraut*, ubi Episcopus *Basiliensis* in Arce Regia habitat. Atque hæc de Sungovia sufficiant.

Restat